

# INUIT ATAQATIGIIT

## INATSISARTUNI



Nuuk 13.okt. 2023

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

1. Nunap immikkoortuini assigiinngitsuni Pilersuisup pisiniarfeqarfiisa akornanni inuussutissat akiisa assigiinnginnerujussuat, piffissamilu kingullermi allangorarnerujussuat Naalakkersuisut qanoq nassuiaatissaqartippaat? Sumiiffiit ilaanni akit qaffapput, sumiiffiit ilaanni apparsimallutik. Tunngavilersuummi assersuut takuuk.
2. Inuussutissat akiisa taama assigiinnitsiginerat, allanngorartiginerallu Naalakkersuit pissusissamisoorutut isigivaat?
  - a) Tamanna qanoq aqqivigineqarniarpa?
3. Nuummi Sisimiunilu inuussutissaarniarfiit ilaanni akini qaffasinnerpaamit, Pilersuisoqarfimmi allaat marloriaatingajammik akeqartitsoqarsinnaanera Naalakkersuisut qanoq nassuiaatissaqartippaat? Tunngavilersuummi assersuut takuuk.
4. Qaammatini kingullerni Pilersuisoqarfinni inuussutissat akiisa qaffariapiloorsimanerat Naalakkersuisut qanoq nassuiaatissaqartippaat, naak ukioq manna KNI akileraarutit suli ilanngaatinagit 239 mio.kr.-nik iluanaaruteqaraluartoq aammalu sullissinissamut isumaqatigiissut ukiut siuliini 5 mio.kr.-usimasoq 13 mio.kr.-nut qaffassimagaluartoq.
5. KNI-ip iluanaarutaa taama annertutigisoq aammalu kiffartuussinissamik isumaqatigiissut taama annertutigisoq, Pilersuisup akinik qaffaajuarnera Naalakkersuisut naapertuuttutut isigaa?
6. Pilersuisoqarfinni tamani inuussutissat akiisa assigiinnerulernissaannik, akikinerulernissaallugu pillugu Naalakkersuisut pilersaaruteqarpat? Iliuuseqarniarpat?
  - a) Aappiuppat taava qanoq? B) Naamiuppat taava sooq?
7. Pilersuisuni inuussutissat akii appartinneqassappata taava iliuusissaq sunaassava; Naalakkersuisut isumaat naapertorlugu?

(Inatsisartuni ilaasortaq Peter Olsen, Inuit Ataqtigiiit)

## Tunngavilersuut:

Naluneqanngitsutut ulluni makkunani innuttaasut akornanni Pilersuisumi inuussutissat akiisa allanngorarnerujussuat, nunallu immikkoortuisa ilaannut sanilliullugu akisuneruallaarnerujussuat eqqartorneqangaatsialersimavoq.

Assersuutissaqqittut ilagaat pannakaassiat Rema 1000-meersut Kangersuatsiami 42.95kr-qarput, maani Nuummi akisunerpaat 27.95.kr-qarlutik. Tassa imaappoq 15.kr-mik Nuummi akikinnerullutik. Taamattoq tupaallaatigineqartumik ippassaq 9.oktober pannakaassiat Kangersuatsiami 15kr-mik akikillineqariataarsimapput akeqalersimallutik 27.95.kr..95.

Qaanaami Julius And 3000gr. Kr. 409,- Taava Aasianni taassuma assinga kr.239,- assigiinngissut 170,- Qaanaami Kaffit Café Noir ataatsit 300-500gr kr. 92.95,- Sisimiuni marluk Kr. 72,-

Illuatungaatigut Aasianni Pilersuisumi issingiassat siornatigut kr.12.95.-riarlutik 16.95.kr-mut qaffanneqarsimapput soorluttaa q immuk kr.14.95.-riarluni kr.20.95.-mut qaffanneqarsimalluni.

Qasigianguani inuussutissat ilaat kr. 28.75.-mik akeqariarlutik, kr. 40,- sinnerlugu allaat akeqalersinneqarsimallutik. Soorlu olie nerisassiornermi atornerqartartoq taste of nature sols siornatigut kr.30 ataallugu akeqariarluni 48.95,-mut qaffanneqarsimalluni.

Pilersuisoqarfinni sumiiffinni assigiinngitsuni akit taama assigiinngissinnaatiginerat, ullormiillu ullormut sooq allanngorarsinnaanerat sumik peqquteqarnerooq paaserusuppara. Illoqarfinnillu annerususumut naleqqiullugu sooq marloriaat tikillugu allaat akeqarsinnaanerat sooq taamaannersooq paaserusuppara, naak kiffartuussinissamik isumaqatigiissuteqartoqaraluartoq, iluanaarutillu taama annertugigarluartut.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.